



ԱՌԱՋՆՈՐԴԱՐԱՆ ՀԱՅՈՑ
ՀԻՄՆՍԱՅԻՆ ԱՄԵՐԻԿԱՅԻ ԱՐԵՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
H.E. ARCHBISHOP MOUSHEGH MARDIROSSIAN, PRELATE
Tel: 818-248-7737/8, Fax: 818-248-7745
E-mail: Prelacy@aol.com Website: www.westernprelacy.org



ԼՈՍ ԱՆՃԵԼՍԻ ԻՐ ԱՅՅԵԼՈՒԹԵԱՆ ԱՈՒԹՈՎ

**ԴԵՍՊԱՆ ԹԱԹՈՒԼ ՄԱՐԳԱՐԵԱՆ
ԱԶԳԱՅԻՆ ԱՌԱՋՆՈՐԴԱՐԱՆ ԱՅՅԵԼԵՅ**

Լոս Անճելլոս իր այցելութեան առիթով, Ուաշինկթընի մօտ Հայաստանի դեսպան Տիար Թաթուլ Մարգարեան Շաբաթ, 17 Մայիսին այցելեց Ազգային Առաջնորդարան եւ ընդունուեցաւ Թեմիս բարեխնամ Առաջնորդ Բարձր. Տ. Մուշեղ Արք. Սարտիրոսեանի ու ժողովականութեան ներկայացուցիչներուն կողմէ: Դեսպանին կ'ընկերանային իր ազնիւ տիկինը եւ Լոս Անճելլոսի մօտ Հայաստանի գլխաւոր հիւպատոս Տիար Արմէն Լիլոյեան:

Հանդիպումին ներկայ եղան Կիլիկեան միաբանութեան երեք անդամներէն Բարձր. Տ. Եփրեմ Արք. Թապազեան, Ազգային Կեդրոնական Վարչութեան անդամ Տիար Խաժակ Տիբիճեան, հոգեւորականաց դասու, Ազգային վարչութեան, Ազգային վարժարաններու Խնամակալ Մարմինի, Տիկնանց Օժանդակ Մարմինի ներկայացուցիչներ եւ «Հայաստան» Համահայկական Հիմնադրամի Լոս Անճելլոսի բաժանմունքի տնօրէն Տիկին Մարիա Միհրանեան:

ՈՂՋՈՅՆԻ ԽՕՍՔԵՐ

Առաջնորդ Սրբազանը յարգելի հիւրերը ողջունեց, ըսելով, որ անոնք կը գտնուին Ազգի Տան մէջ, որ իր բոլոր միաւորներով անվերապահօրէն զօրակից է Հայաստանի պետութեան ու նեցուկ կը կանգնի հայրենի ժողովուրդին:

Տիար Արմէն Լիլոյեան շնորհակալութիւն յայտնեց հիւրընկալման համար, նշեց, որ դեսպան Մարգարեանի համար Ազգ. Առաջնորդարան այցելութիւնը կարեւոր հանգրուան է Լոս Անճելլոս իր այցելութեան ծիրին մէջ, նկատի ունենալով մեր Թեմին ու ընդհանրապէս Մեծի Տանն Կիլիկիոյ Կաթողիկոսութեան զօրակցութիւնը՝ Հայաստանին ու հայրենի ժողովուրդին: Ան այս առիթով անգամ մը եւս շնորհաւորեց Առաջնորդ Սրբազանը, որ շաբաթ մը առաջ, չորրորդ քառամեակի մը համար Առաջնորդ ընտրուած էր Ազգ. Երեսփոխանական ժողովին կողմէ:

Դեսպան Թաթուլ Մարգարեան իր կարգին շնորհակալութիւն յայտնեց հիւրընկալումին համար, շնորհաւորեց Ազգ. Առաջնորդարանի սոր շէնքը եւ

վեր առաւ շինարարութեան ոգին կարելորութիւնը՝ ազգի յառաջդիմութեան մէջ: Ան դրուատիքով արտայայտուեցաւ Առաջնորդ Սրբազանին ու Ս. Աթոռոյս կեցուածքին մասին, որ վերահաստատուեցաւ Հայաստանի վերջին ծանօթ դէպքերուն առիթով, կեցուածք՝ որ արտայայտութիւն էր մեր պետականութեան արժէքին ու անվտանգութեան խոր գիտակցութեան: Ան այս առիթով Առաջնորդ սրբազանը շնորհաւորեց չորրորդ քառամեակի մը համար Առաջնորդ Իր վերընտրութեան համար:

«ՀԻՄՆԱՅԱՐՑԵՐՈՒ ԳԾՈՎ ՔԱՂԱՔԱԿԱՆՈՒԹԵԱՆ ՇԱՐՈՒՆԱԿԱԿԱՆՈՒԹԻՒՆ»

Հիւր դեսպանը այս առիթով խօսեցաւ նաեւ հայրենի իշխանութիւններուն որդեգրած քաղաքական վարքագիծին ու պետականութիւնը ամրակայելու աշխատանքին մասին, միաժամանակ պատասխանելով ներկաներու հարցումներուն:

Ան առաջին հերթին նկատել տուաւ, որ նախագահ Սերժ Սարգսեանի իշխանութիւնը ընդհանուր գիծերու մէջ կը շարունակէ այն քաղաքականութիւնը, որ որդեգրուած էր նախորդ իշխանութեան օրով, թէեւ կան նաեւ նոր ուղղութիւններ ու զարգացումներ: Ան շեշտեց, որ Ցեղասպանութեան հարցը առաջնահերթ տեղ ունի Հայաստանի արտաքին քաղաքականութեան մէջ, ինչպէս որ էր նախագահ Ռ. Քոչարեանի օրով, ինչ որ ցոյց կու տայ, թէ այս կեցուածքը պատահականութեան արդիւնք չէ, այլ մշտական ուղեգիծ: Ան նշեց, որ Հայաստան կը ցանկայ Թուրքիոյ հետ յարաբերութիւնները դարձնել բնականոն, սակայն ոչ՝ ի հեճուկս Ցեղասպանութեան գծով կեցուածքին, ոչ ալ զայն կապելով այս ու այլ հարցերու:

Խօսելով Արցախի մասին, դեսպան Մարգարեան յայտնեց, թէ Հայաստանի քաղաքականութիւնը այս գծով ալ յստակ է ու շարունակութիւնը՝ ծանօթ վարքագիծին. «Չիջումի հարց չի կրնար ըլլալ, այլ այն փաթեթը, որ կար նախորդ իշխանութեան օրով, կը մնայ սեղանի վրա», ընդգծեց ան, անելցնելով, որ Արցախի ինքնորոշման եւ իրաւունքներու կենսագործումը կը մնան հիմնական առաջադրանք:

«ԴԺՈՒԱՐՈՒԹԵԱՆՑ ՉԱՐԱՇԱՐՈՒՄԸ ԱՆԹՈՅԼԱՏՐԵԼԻ»

Շարունակելով իր խօսքը, հայրենի դեսպանը յայտնեց, թէ Հայաստանի մէջ ամէն բան գոհացուցիչ չէ, կան ընկերային ու տնտեսական դժուարութիւններ, ինչպէս՝ այլ երկիրներու մէջ, որոնք պէտք է դարմանուին ու ընկերային արդարութիւն հաստատուի, սակայն ծանօթ դժուարութիւններուն չարաշահումն ու վնասաբեր վիճակներու ստեղծումը ոչ մէկ ձեւով արդարանալի է կամ թոյլատրելի, իշխանութիւնները ամէն ճիգ ի գործ կը դնեն, որ պետութեան հիմքերը մնան հաստատ, հեռու՝ վտանգներէ եւ չարաշահումներէ: Այս մօտեցումով ալ, ըսաւ ան, ձեր կեցուածքները բարձր կը գնահատուին ու մեծապէս նպաստեցին Հայաստանի դէմ քարոզչութիւն կատարողներուն հրապարակ նետած

վարկածներն ու չարախօսութիւնները հակակշռելու, բացասական հետեւանքները կանխելու գործին:

Դեսպան Թ. Մարգարեան լուսաբանութիւններ տուաւ նաեւ Զայաստանի ներկայ իրավիճակին ու ակնկալուած արտաքին օժանդակութեանց վերաբերող բանակցութիւններուն մասին: Ան վստահեցուց, որ ապահովութեան վիճակը ամբողջականօրէն գոհացուցիչ է, հայրենի իշխանութիւնները աշխատանք կը տանին, որպէսզի բացասական քարոզչութեանց հետեւանքները դարմանուին, հասկացողութիւն ստեղծուի, որ իշխանութիւնը խաղաղութիւն եւ անվտանգութիւն հաստատելու իր գործին մէջ խոչընդոտումներու պէտք չէ ենթարկուի, երկրին ու ժողովուրդին խոստացուած արտաքին օժանդակութիւնները, օրինակ՝ ամերիկեան նպաստը իրագործուի, ենթակայ չդառնայ ծանօթ շրջանակներու չափազանցեալ ու անհիմն քարոզչութեան: Ան այս ծիրին մէջ անդրադարձաւ նաեւ Ազրպէյճանի իշխանութիւններուն շղթայագերծած քարոզչական արշաւներուն ու զինուորական որոշ գործողութիւններուն, որոնք զուգահեռ ընթացան Զայաստանի տագնապալի օրերուն, սակայն նաեւ վերահաստատեց, որ Արցախի ու Զայաստանի պետութիւններն ու ուժերը ամուր կը մնան իրենց դիրքերուն վրայ, սահմաններու անվտանգութիւնը ապահովուած է ու ազերիական թէ այլ քարոզչական փորձերը կը մնան անհետեւանք:

Առաջնորդ Սրբազանը շնորհակալութիւն յայտնեց հայրենի դիւանագետին բացատրութիւններուն համար եւ վերահաստատեց մեր Ս. Աթոռին ու կիլիկեան բոլոր թեմերուն զօրակցութիւնը՝ ի նպաստ հայրենիքին ու պետութեան: Ան այս առիթով յուշանուէր մը յանձնեց դեսպան Մարգարեանի:

Պաշտօնական հանդիպումին ու մտերմիկ գրոյցի աւարտին, տեղի ունեցաւ պատշաճ հիւրընկալում, զոր պատրաստած էր Տիկնանց Օժանդակ Մարմինը: Այնուհետեւ, դեսպանն ու ընկերակիցները ծանօթացան Ազգ. Առաջնորդարանի բաժանմունքներուն, ինչպէս նաեւ վայելեցին «Տիգրան եւ Չարուհի Տէր Ղազարեան» սրահին մէջ տեղի ունեցող նկարչական ցուցահանդէսը:

AMBASSADOR TATOUL MARKARIAN VISITS THE PRELACY

On the morning of Saturday, May 17th, H.E. Archbishop Moushegh Mardirossian, Prelate, welcomed to the Prelacy the Ambassador of the Republic of Armenia to the United States His Excellency Tatoul Markarian. The Ambassador was accompanied by his wife and Consul General of Armenia the Honorable Armen Liloyan. H.E. Archbishop Yeprem Tabakian, Central Executive Council member Mr. Khajag Dikijian, Religious and Executive Council members, Board of Regents representatives, Ladies Auxiliary members, and Armenia Fund president Mrs. Maria Mehranian were also present.

The Prelate welcomed the guests and asserted that the Prelacy stands behind and supports the Republic of Armenia in any challenges it may face.

Consul General Liloyan thanked the Prelate for the warm reception and stressed that the visit of the Ambassador to the Prelacy is an important one considering the support of the Catholicosate of the Great House of Cilicia and the Western Prelacy for Armenia and the Armenian nation. He also once again congratulated the Prelate on his re-election for a fourth term.

The Ambassador also conveyed his thanks to the Prelate for the reception and congratulated him on his re-election and for the new headquarters, and spoke highly of the staunch support of the Catholicosate towards Armenia, as reaffirmed during the recent unrest. Ambassador Markarian imparted to the guests the course of the new government, noting that President Serzh Sargsyan will largely continue the policies set forth by the previous administration. He stressed that the Genocide is still the top priority in the foreign affairs of the government as it was with President Robert Kocharian. With regards to Artsakh, he stated that the policy remains the same, which is that the right of self-determination remains a priority. The Ambassador also spoke of the social and economic difficulties facing Armenia.

Ambassador Markarian then reported on the current situation in Armenia and specifically of foreign aid to the country. He affirmed that the country is safe and secure and that the governments of Armenia and Artsakh have secured their borders against any attempts by the Azeris.

The Prelate thanked the Ambassador for his explanations and presented him with a memento. A reception organized by the Ladies Auxiliary ensued, after which the Ambassador and guests were familiarized with the various departments of the Prelacy.